
Sak nr	Utval	Møtedato
31/16	Det faste planutvalet	31.05.2016

KOMMUNEDELPLAN FOR FYSISK AKTIVITET - OPPSTART RULLERING AV HANDLINGSPROGRAM 2017-2020

Det faste planutvalet	31.05.2016
<p>Handsaming: Kultursjefen orienterte om saka. Samrøystes vedtak i samsvar med rådmannens framlegg.</p>	
<p>Innstilling/vedtak: Det faste planutvalet vedtek å starte arbeidet med rullering av handlingsprogram for fysisk aktivitet 2017-2020.</p> <p>Planarbeidet skal gjennomførast i samsvar med fastsett framdriftsplan.</p>	

VEDLEGG:

Evaluering av Handlingsprogram 2016-2020.
Kommunedelplan for idrettsanlegg og anlegg for friluftsliv 2013-2025
Utvalde høyringspartar 2016

KORT SAMANDRAG AV SAKSUTGREIINGA:

Det blir gitt store tilskot frå spelemiddelordninga til utbygging av anlegg for fysisk aktivitet.

For at frivillege lag, velforeiningar, kommunar og andre skal kunne søkje spelemidlar, må prosjekta vere prioritert i eit årleg rullert handlingsprogram, knytt til kommunens Kommunedelplan for fysisk aktivitet.

Saka no gjeld oppstart av årets rullering.

SAKSUTGREIING:

Statlege styresmakter har sidan 12.10.1998 sett krav til kommunale langtidsplanar for utbygging av idrettsanlegg og anlegg for fysisk aktivitet.

Kommunedelplan for fysisk aktivitet skal vise ei målretta satsing innanfor dette viktige området.

Det er ein føresetnad for å søke spelemidlar at tiltaka er prioritert i det årleg rullerte handlingsprogrammet.

Søklarar om tilskot til ordinære anlegg for idrett og fysisk aktivitet kan t.d. vere

- Kommunar
- Idrettslag/organisasjonsledd i Norges idrettsforbund og olympiske og paralympiske komite
- Samanslutningar organiserte under Norges Jeger- og fiskerforbund, Den norske Turistforening, Norges Bilsportforbund og Det frivillige Skyttervesen

For nærmiljøanlegg kan også burettslag og velforeiningar søkje tilskot.

VURDERING:

Kommunen har ei sentral rolle i å gjere spelemiddelordninga kjent.

Mange sentrale partar er derfor oppsett på ei eiga høyringsliste, sjå vedlegg til denne saka. Desse vil få plandokumenta tilsendt.

Andre vil kommunen nå gjennom annonsering i aviser og på Skodje kommune sine heimesider.

I tillegg vil det vere nødvendig å yte hjelp til sjølve søknadsprosessen, som kan vere krevjande dersom ein er ukjend med ordninga.

Føremålet med dette planarbeidet er derfor å:

- Legge til rette for utbygging av anlegg for idrett og fysisk aktivitet, både med informasjon om ordninga, og hjelp til søknadsskriving.
- Gjennomgang av handlingsprogram 2016-2020. I det ligg m.a. å klargjere status og resultat sidan siste rullering.
- Stimulere til og få oversikt over nye prosjekt.

Målsetting for framdrift.

Fasar i planarbeidet	Samarbeid og medverknad	Pol/adm handsaming	Framdrift
Oppstart av planarbeid	Politisk behandling og vedtak	Det faste planutvalet	Mai/juni
Oppstart av planarbeid	Varsel om oppstart – annonse Partane får særskilt varsel	Rådmannen	Mai/juni
Utarbeiding av forslag til handlingsprogram 2017-2020	Administrasjonen	Rådmannen	Aug/sept
1. gongs handsaming av handlingsprogram	Politisk behandling og vedtak	Det faste planutvalet	Sept

Offentleg ettersyn handlingsprogram	Innspeil frå lag og organisasjonar, idrettsråd og barnerepr.	Rådmannen	Okt/nov.(6 veker)
Innlemme merknader	Adm. behandling	Rådmannen	November
Eigengodkjenning av kommunedelplan	Politisk behandling og vedtak	Det faste planutvalet Kommunestyret	Nov/des

INNSTILLING:
RÅDMANNEN SI INNSTILLING

Det faste planutvalet vedtek å starte arbeidet med rullering av handlingsprogram for fysisk aktivitet 2017-2020.

Planarbeidet skal gjennomførast i samsvar med fastsett framdriftsplan.